

# CUSSEGL GROND

Sessiun da zercladur 2023

## Dumonda Favre Accola concernent la pratica da la «Glista naira» en il chantun Grischun

Dapi il cumenzament da l'onn 2008 è la «Glista naira» obligatorica per tut ils chantuns. La «Glista naira» duai impedir, che persunas d'instrucziun pedofilas, dependentas u violentas possian instruir en in auter chantun e ch'i dettia là novs cas. La glista cuntegna mo annunzias davart ils nums e davart la durada da la retratga da l'autorisaziun d'instruir. L'inscripziun na surannescha betg e vegn stizzada pir suenter la cumplenida dal 70. onn da vegliadetgna.

Tenor retschertgas da las medias n'annunzian dentant anc lunschor betg tut ils chantuns la retratga da permissiuns da dar scola a la CDEP. Plinavant datti displaschai vlamain er autoritads da scola, che schlian «cas problematic» cun agid d'ina cunvegna d'annullaziun dal contract e che n'annunzian er betg questas persunas d'instrucziun al chantun (Uffizi per la scola populara ed il sport, USS), per che la permissiun da dar scola possia vegnir retratga.

Uschia na duain 14 chantuns, tranter quels er il Grischun, avair registrà actualmain betg in unic pedagog.

Las sutsegnadras ed ils sutsegnaders dumondan perquai la Regenza:

1. Co sa preschenta la pratica actuala areguard la retratga da permissiuns da dar scola ed areguard l'annunzia da persunas d'instrucziun falliblas en il chantun Grischun?
2. Co procura il USS, che tut las autoritads e direcziuns da scola enconuschian la pratica areguard l'annunzia resp. la consultaziun da la Glista naira ed annunzian er – ademplind lur responsabladad – persunas d'instrucziun falliblas al USS, per che tal possia eventualmain retrair la permissiun da dar scola?
3. Co vegni procurà en il chantun Grischun, ch'eventuals scumonds d'exercitar la professiun (retratga da la permissiun da dar scola) en consequenza da sentenzias (giudizialas) vegnian er annunziads a la CDEP?

Banca da datas da Giuventetgna+Sport (G+S): Per controllar lur manaders pon las uniuns da sport consultar la banca da datas da G+S.

4. Co procura il USS, che las uniuns da sport grischunas enconuschian la pratica areguard la consultaziun resp. l'annunzia a la banca da datas da manaders da G+S fallibels?
5. Numerusas uniuns èn er dependentas da funcziunaris da sport che n'han anc betg ina scolaziun da G+S. En cas da surpassaments na pon quels perquai er betg vegnir annunziads a la banca da datas da G+S. Manadras e manaders fallibels pon profiter da questa fora. Co vul il chantun sustegnair las uniuns da sport en quest reguard sco er en la lavur preventiva?

Claustra, ils 15 da zercladur 2023

**Favre Accola**, Ulber, Krättli, Adank, Bachmann, Bärtsch, Beeli, Berweger, Bettinaglio, Bischof, Bisculm Jörg, Bleuler-Jenny, Brandenburger, Brunold, Butzerin, Casutt, Cola Casaulta, Collenberg, Cortesi, Crameri, Danuser (Cazas), Degiacomi, Della Cà, Derungs, Dietrich, Dürler, Furger, Gansner, Gort, Grass, Hartmann, Hoch, Holzinger-Loretz, Hug, Jochum, Kocher, Lehner, Loepfe, Mani, Mazzetta, Menghini-Inauen, Messmer-Blumer, Morf, Rageth, Rauch, Righetti, Roffler, Salis, Schutz, Sgier, Spagnolatti, Stocker, Tanner, Tomaschett, von Ballmoos, Walser, Widmer, Wieland